

四庫全書

集部

欽定四庫全書

集部

石倉歷代詩選卷二

詳校官庶吉士臣范逢恩

侍讀臣孫球覆勘

總校官進士臣朱鈐

校對官中書臣嵇承志

謄錄監生臣高鏡

欽定四庫全書

集部八

石倉歷代詩選

總集類

提要

臣等謹案石倉歷代詩選五百六卷明曹學
佺編學佺有周易可說別著錄是編所選歷
代之詩上起古初下迄於明者也凡古詩十
三卷唐詩一百卷拾遺十卷宋詩一百七卷
金元詩五十卷明詩初集八十六卷次集一

百四十卷舊一名十二代詩選然漢魏晉宋
南齊梁陳魏北齊周隋實十一代既錄古逸
乃綴於八代之末又併五代於唐併金於元
於體例名目皆乖刺不合故從其板心所題
稱歷代詩選於義為諧所選雖卷帙浩博不
免傷於糅襍然上下二千年間作者皆畧存
梗槩又學隸本自工詩故所去取亦大都不
乖風雅之旨固猶勝貪多務得細大不捐者

金代惟錄元好問一人頗為疎漏意其時毛
晉所刊中州集河汾諸老詩猶未盛行故學
倭未見歟其列於元詩之首亦以一代祇一
人不能成集也據千頃堂書目學倭所錄明
詩尚有三集一百卷四集一百三十二卷五
集五十二卷六集一百卷今皆未見殆已散
佚然明自萬厯以後繁音側調變而愈遠故
論者等諸自鄒無譏是本止於嘉隆正為明

詩之極盛其三集以下之不存正亦不足惜
矣乾隆四十五年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

石倉歷代詩選卷一

明 曹學佺 編

古詩一

漢四言詩

四皓采芝操

皓天嗟嗟深谷逶迤樹木莫莫高山嵬嵬巖居穴處以
為幄茵晔晔紫芝可以療飢唐虞往矣吾當安歸

王昭君怨詩

秋木萋萋其葉萎黃有鳥處山集于苞桑養育毛羽形
容生光既得升雲上游曲房離宮怨曠身體摧藏志念
抑沈不得頡頏翩翩之燕遠集西羌高山峩峩河水泱
泱父兮母兮道里悠長嗚呼哀哉憂心惻傷

張衡怨篇

猗猗秋蘭植彼中阿有馥有芳有黃其葩雖曰幽深厥
美彌嘉之子之遠我勞如何

秦嘉述昏詩

羣祥既集二姓交歡敬茲新昏六禮不愆羔雁總備玉帛戔戔君子將事威儀孔閒猗兮容兮穆矣其言

其二

紛彼婚姻禍福之由衛女興齊寢姒滅周戰戰兢兢懼德不仇神啓其吉果獲令攸我之愛矣荷天之休

贈婦

曖曖白日引曜西傾啾啾難雀羣飛赴楹皎皎明月煌

煌列星嚴霜悽愴飛雪覆庭寂寂獨居寥寥空室飄飄
桂帳熒熒華燭爾不是居帷帳何施爾不是照華燭何
為

樂府隴頭歌

隴頭水流離四下念我行役飄然曠野登高望遠涕
零雙墜隴頭流水鳴聲幽咽遙望秦川肝腸斷絕

漢五言詩

內篇

蘇武詩四首

骨肉緣枝葉結交亦相因四海皆兄弟誰為行人況
我連枝樹與子同一身昔為鴛與鴦今為參與辰昔者
常相近邈若胡與秦惟念當乖離恩情日以新鹿鳴思
野草可以喻嘉賓我有一樽酒欲以贈遠人願子留斟酌
叙此平生親

其二

結髮為夫妻恩愛兩不疑歡娛在今夕燕婉及良時征
夫懷往路起視夜何其參辰皆已沒去去從此辭行役

在戰場相見未有期握手一長歎淚為生別滋努力愛
春華莫忘歡樂時生當復來歸死當長相思

其三

黃鵠一遠別千里顧徘徊胡馬失其羣思心常依依何
況雙飛龍羽翼臨當乖幸有絃歌曲可以喻中懷請為
遊子吟泠泠一何悲絲竹厲清聲慷慨有餘哀長歌正
激烈中心愴以摧欲展清商曲念子不得歸

其四

燭燭晨明月馥馥秋蘭芳芬馨良夜發隨風聞我堂征
夫懷遠路遊子戀故鄉寒冬十二月晨起踐嚴霜俯觀
江漢流仰視浮雲翔良友遠別離各在天一方山海隔
中州相去悠且長嘉會難再遇歡樂殊未央願君崇令
德隨時愛景光

李陵與蘇武詩三首

良時不再至離別在須臾屏營衢路側執手野踟躕仰
視浮雲馳奄忽互相踰風波一失所各在天一隅長當

從此別且復立斯須欲因晨風發送子以賤軀

携手上河梁遊子暮何之徘徊蹊路側悵悵不能辭
行人難久留各言長相思安知非日月弦望自有時
努力
崇明德皓首以為期

嘉會難再遇三載為千秋臨河濯長纓念子悵悠悠
遠望悲風至對酒不能酬行人懷往路何以慰我愁
獨有
盈觴酒與子結綢繆

班婕妤怨歌行

新製齊紈素皎潔如霜雪裁成合歡扇團團似明月出
入君懷袖動搖微風發常恐秋節至涼飈奪炎熱棄捐
篋笥中恩情中道絕

卓文君白頭吟

皚如山上雪皎若雲間月聞君有兩意故來相決絕今
日斗酒會明旦溝水頭躑躑御溝上溝水東西流淒淒
復淒淒嫁娶不須啼願得一心人白頭不相離

班固詠史

三王德彌薄惟後用肉刑太倉令有罪就逮長安城自
恨身無子困急獨斃斃小女痛父言死者不可生上書
詣闕下思古歌難鳴憂心摧折裂晨風揚激聲聖漢孝
文帝惻然感至情百男何憤憤不如一緹縈

蔡邕飲馬古城窟行

青青河邊草綿綿思遠道遠道不可思宿昔夢見之夢
見在我傍忽覺在他鄉他鄉各異縣展轉不可見枯桑
知天風海水知天寒入門各自媚誰肯相為言客從遠

方來遺我雙鯉魚呼兒烹鯉魚中有尺素書長跪讀素書書中竟何如上有加飧食下有長相憶

翠鳥

庭陬有若榴綠葉含丹榮翠鳥時來集振翼修容形回顧生碧色動搖揚縹青幸脫虞人機得親君子庭馴心託君素雌雄保百齡

酈炎見志詩

靈芝生河洲動搖因洪波蘭榮一何晚嚴霜瘁其柯哀

哉二芳草不植泰山阿
文質道所貴遭時用有嘉
絳灌臨衡宰謂誼崇浮華
賢才抑不用遠投荆南沙
抱玉乘龍驥不逢樂與和
安得孔仲尼為世陳四科

秦嘉留郡贈婦詩

人生譬朝露居世多屯蹇
憂虞常早至歡會常苦晚
念當奉時役去爾日遙遠
遣車迎子還空往復空返
省書情悽愴臨食不能飮
獨坐空房中誰與相勸勉
長夜不能眠伏枕獨展轉
憂來如循環匪席不可卷

徐淑荅秦嘉詩

妾身兮不令嬰疾兮來歸沈滯兮家門歷時兮不差曠
廢兮侍覲情敬兮有違君兮今兮奉命遠適兮京師悠悠
兮離別無因兮叙懷瞻望兮踴躍佇立兮徘徊思君兮
感結夢想兮容暉君發兮引邁去我兮日乖恨無兮羽
翼高飛兮相追長吟兮永歎淚下兮沾衣

諸葛亮梁甫吟

步出齊城門遙望蕩陰里里中有三墳纍纍正相似問

是誰家墓田疆古治子力能排南山文能絕地紀一朝
被讒言二桃殺三士誰能為此謀國相齊晏子

無名氏長歌行

青青園中葵朝露待日晞陽春布德澤萬物生光輝常
恐秋節至焜黃華葉衰百川東到海何時復西歸少壯
不努力老大徒傷悲

又

宕宕上山亭皎皎雲間星遠望使心思遊子戀所生馳

車出北門遙觀洛陽城
凱風吹長棘
夭夭枝葉傾黃鳥
飛相追咬咬弄音聲
佇立望西河
泣下沾羅纓

傷歌行

昭昭素明月輝光
燭我牀
憂人不能寐
耿耿夜何長
微風吹閨闥
羅帷自飄揚
攬衣曳長帶
展履下高堂
東西安所之
徘徊以傍徨
春鳥翻南飛
翩翩獨翱翔
悲聲命儔匹
哀鳴傷我腸
感物懷所思
泣涕忽沾裳
佇立吐高吟
舒憤訴穹蒼

古八變歌

北風初秋至吹我章華臺浮雲多暮色似從崦嵫來枯
桑鳴中林緯絡響空階翩翩飛蓬征愴愴遊子懷故鄉
不可見長望始此回

古詩十九首

行行重行行與君生別離相去萬餘里各在天一涯道
路阻且長會面安可知胡馬依北風越鳥巢南枝相去
日已遠衣帶日已緩浮雲蔽白日遊子不顧返思君令

人老歲月忽已晚棄捐勿復道努力加餐飯

青青河畔草鬱鬱園中柳盈盈樓上女皎皎當窗牖娥
娥紅粉粧纖纖出素手昔為倡家女今為蕩子婦蕩子
行不歸空牀難獨守

青青陵上栢磊磊澗中石人生天地間忽如遠行客斗
酒相娛樂聊厚不為薄驅車策駕馬游戲宛與洛洛中
何鬱鬱冠帶自相索長衢羅夾巷王侯多第宅兩宮遙
相望雙闕百餘尺極宴娛心意戚戚何所迫

今日良宴會歡樂難具陳彈箏奮逸響新聲妙入神令
德唱高言識曲聽其真齊心同所願含意俱未申人生
寄一世奄忽若飈塵何不策高足先據要路津無為守
窮賤輒軻長苦辛

西北有高樓上與浮雲齊交疏結綺窗阿閣三重階上
有絃歌聲音響一何悲誰能為此曲無乃杞梁妻清商
隨風發中曲正徘徊一彈再三歎慷慨有餘哀不惜歌
者苦但傷知音稀願為雙鴻鵠奮翼起高飛

涉江采芙蓉蘭澤多芳草采之欲遺誰所思在遠道還
顧望舊鄉長路漫浩浩同心而離居憂傷以終老

明月皎夜光促織鳴東壁玉衡指孟冬衆星何歷歷白
露霑野草時節忽復易秋蟬鳴樹間玄鳥逝安適昔我
同年友高舉振六翮不念攜手好棄我如遺跡南箕北
有斗牽牛不負輓良無磐石固虛名復何益

冉冉孤生竹結根泰山阿與君為新婚兔絲附女蘿兔
絲生有時夫婦會有宜千里遠結婚悠悠隔山陂思君

令人老軒車來何遲傷彼蕙蘭花含英揚光輝過時而不采將隨秋草萎君亮執高節賤妾亦何為

庭中有奇樹綠葉發華滋攀條折其榮將以遺所思馨香盈懷袖路遠莫致之此物何足貴但感別經時

迢迢牽牛星皎皎河漢女纖纖擢素手札札弄機杼終日不成章泣涕零如雨河漢清且淺相去復幾許盈盈一水間脉脉不得語

迴車駕言邁悠悠涉長道四顧何茫茫東風搖百草所

遇無故物焉得不速老盛衰各有時立身苦不早人生
非金石豈能長壽考奄忽隨物化榮名以為寶

東城高且長逶迤自相屬迴風動地起秋草萋已綠四
時更變化歲暮一何速晨風懷苦心蟋蟀傷局促蕩滌
放情志何為自結束燕趙多佳人美者顏如玉被服羅
裳衣當戶理清曲音響一何悲絃急知柱促馳情整巾
帶沈吟聊躑躅思為雙飛燕銜泥巢君屋

驅車上東門遙望郭北墓白楊何蕭蕭松柏夾廣路下

有陳死人杳杳卽長暮潛寐黃泉下千載永不寤浩浩
陰陽移年命如朝露人生忽如寄壽無金石固萬歲更
相送賢聖莫能度服食求神仙多為藥所誤不如飲美
酒被服紬與素

去者日以疎來者日以親出郭門直視但見丘與墳古
墓犂為田松栢摧為薪白楊多悲風蕭蕭愁殺人思還
故里問欲歸道無因

生年不滿百常懷千歲憂晝短苦夜長何不秉燭遊為

樂當及時何能待來茲愚者愛惜費但為後世嗤仙人
王子喬難可與等期

凜凜歲云暮蟋蟀夕鳴悲涼風率已厲遊子寒無衣錦
衾遺洛浦同袍與我違獨宿累長夜夢想見容輝良人
惟古歡枉駕惠前綏願得常巧笑攜手同車歸既來不
須臾又不處重闌亮無晨風翼焉能凌風飛眄睵以適
意引領遙相睇徙倚懷感傷垂涕沾雙扉

孟冬寒氣至北風何慘慄愁多知夜長仰觀衆星列三

五明月滿四五蟾光缺客從遠方來遺我一書札上言
長相思下言久離別置書懷袖中三歲字不減一心抱
區區懼君不識察

客從遠方來遺我一端綺相去萬餘里故人心尚爾文
彩雙鴛鴦裁為合歡被著以長相思緣以結不解以膠
投漆中誰能別離此

明月何皎皎照我羅牀幃憂愁不能寐攬衣起徘徊客
行雖云樂不如早旋歸出戶獨傍徨愁思當告誰引領

還入房淚下沾裳衣

古詩

悲與親友別氣結不能言
贈子以自愛道遠會見難
人生無幾時顛沛在其間
念子棄我去新心有所歡
結志青雲上何時復來還

穆穆清風至吹我羅衣裾
青袍似春草長條隨風舒
朝登津梁山褰裳望所思
安得抱柱信皎日以為期

蘭若生春陽涉冬猶盛滋
願言追昔愛情款感四時美

人在雲端天路隔無期
夜光照玄陰長歎念所思
誰謂我無憂積念發狂癡

橘柚垂華實乃在深山側
聞君好我甘竊獨自雕飾委
身玉盤中歷年冀見食芳菲
不相投青黃忽改色人儻
欲我知因君為羽翼

新樹蘭蕙葩雜用杜蘅草
終朝采其華日暮不盈把
采之欲遺誰所思在遠道
馨香易銷歇繁華會枯槁
悵望何所言臨風送懷抱

步出城東門遙望江南路前日風雪中故人從此去我
欲渡河水河水深無梁願為雙黃鵠高飛還故鄉

擬蘇李詩

紅塵蔽天地白日何冥冥微陰盛殺氣淒風從此興招
搖西北指天漢東南傾嗟爾穹廬子獨行如履冰裋褐
中無緒帶斷續以繩瀉水置瓶中焉辨淄與澠巢父不
洗耳後世有何稱

漢五言詩

外篇

張衡同聲歌

邂逅承際會得充君後房情好新交接恐慄若探湯不
才勉自竭賤妾職所當綢繆主中饋奉禮助烝嘗思為
苑莢席在下蔽匡牀願為羅衾幃在上衛風霜灑掃清
枕席鞞芬以狄香重戶結金局高下華燈光衣解巾粉
御列圖陳枕張素女為我師儀態盈萬方衆夫所希見
天老教軒皇樂莫斯夜樂沒齒焉可忘

辛延年羽衣郎

昔有霍家奴姓馮名子都依倚將軍勢調笑酒家胡胡
姬年十五春日獨當壚長裾連理帶廣袖合歡襦頭上
藍田玉耳後大秦珠兩鬟何窈窕一世良所無一鬟五
百萬兩鬟千萬餘就我求清酒絲繩繫玉壺就我求珍
肴金盤鱠鯉魚貽我青銅鏡結我紅羅裾不惜紅羅裂
何論輕賤軀男兒愛後婦女子重前夫人生有新故貴
賤不相踰多謝金吾子私愛徒區區

宋子侯董嬌嬈

洛陽城東路桃李生路傍花花自相對葉葉自相當春
風東北起花葉正低昂不知誰家子提籠行采桑纖手
折其枝花落何飄颻請謝彼姝子何為見損傷高秋八
九月白露變為霜終年會飄墜安得久馨香秋時自零
落春月復芬芳何時盛年去歡愛永相忘吾欲竟此曲
此曲愁人腸歸來酌美酒挾瑟上高堂

陌上桑

日出東南隅照我秦氏樓秦氏有好女自名為羅敷羅

數善蠶桑采桑城南隅青絲為籠係桂枝為籠鉤頭上
倭墜髻耳中明月珠綳綺為下裙紮綺為上襦行者見
羅敷下擔捋鬢鬚少年見羅敷脫帽著幘頭耕者忘其
犁鋤者忘其鉏來歸相怒怨但坐觀羅敷使君從南來
五馬立踟躕使君遣吏往問是誰家姝秦氏有好女自
名為羅敷羅敷年幾何二十尚不足十五頗有餘使君
謝羅敷寧可共載不羅敷前致辭使君一何愚使君自
有婦羅敷自有夫東方千餘騎夫婿居上頭何用識夫

堦白馬從驪駒青絲繫馬尾黃金絡馬頭腰中鹿盧劍
可值千萬餘十五府小史二十朝大夫三十侍中郎四
十專城居為人潔白皙鬚鬢頗有鬚盈盈公府步冉冉
府中趨坐中數千人皆言夫婚殊

相逢行

相逢狹路間道隘不容車不知何年少夾轂問君家君
家誠易知易知復難忘黃金為君門白玉為君堂堂上
置樽酒作使邯鄲倡中庭生桂樹華燈何煌煌兄弟兩

三人中子為侍郎五日一來歸道上自生光黃金絡馬
頭觀者盈道傍入門時左顧但見雙鴛鴦鴛鴦七十二
羅列自成行音聲何羅羅鶴鳴東西廂大婦織綺羅中
婦織流黃小婦無所為挾瑟上高堂丈人且安坐調絲
方未央

隴西行

天上何所有歷歷種白榆桂樹夾道生青龍對道隅鳳
皇鳴啾啾一母將九雛顧視世間人為樂甚獨殊好婦

出迎客顏色正敷愉伸腰再拜跪問客平安不請客北
堂上坐客羶氍毹清白各異樽酒上正華疏酌酒持與
客客言主人持却畧再拜跪然後持一杯談笑未及竟
左顧勅中厨促令辦粗飯慎莫使稽留廢禮送客出盈
盈府中趨送客亦不遠足不過門樞取婦得如此齊姜
亦不如健婦持門戶亦勝一丈夫

步出夏門行

邪徑過空廬好人常獨居卒得神仙道上與天相扶過

謁王父母乃在泰山隅離天四五里道逢赤松俱攬轡
為我御將吾天上遊天上何所有歷歷種白榆桂樹夾
道生青龍對伏跂

艷歌行

翩翩堂前燕冬藏夏來見兄弟兩三人流蕩在他縣故
衣誰當補新衣誰當綻賴得賢主人攬取為吾紵夫壻
從門來斜倚西北眄語卿且勿眄水清石自見石見何
纍纍遠行不如歸

又

南山石嵬嵬松栢何離離上枝拂青雲中心十數圍洛陽發中梁松樹竊自悲斧鋸截是松松樹東西推持作四輪車載至洛陽宮觀者莫不歎問是何山材誰能刻鏤此公輸與魯班被之用丹漆薰用蘇合香本是南山松今為宮殿梁

古詩

上山采靡蕪下山逢故夫長跪問故夫新人復何如新

人雖言好未若故人殊顏色類相似手爪不相如新人
從門入故人從閣去新人工織縑故人工織素織縑日
一匹織素五丈餘將縑來比素新人不如故

四坐且莫喧願聽歌一言請說銅鑪器崔嵬象南山上
枝似松栢下根據銅盤雕文各異類離婁自相聯誰能
為此器公輸與魯班朱火焚其中青煙颺其間從風入
君懷四坐莫不歡香風難久居空令蕙草殘

十五從軍征八十始得歸道逢鄉里人家中有阿誰遙

望是君家松柏塚，纍纍免從狗竇入。雉從梁上飛，中庭生旅穀。井上生旅葵，烹穀持作飯。采葵持作羹，羹飯一時熟。不知貽阿誰，出門東向望。淚落沾我衣。

漢七言歌行

高帝大風歌

大風起兮雲飛揚，威加海內兮歸故鄉。安得猛士兮守四方。

武帝秋風辭

秋風起兮白雲飛草木黃落兮雁南歸
蘭有秀兮菊有芳懷佳人兮不能忘
汎樓船兮濟汾河橫中流兮揚素波
簫鼓鳴兮發棹歌歡樂極兮哀情多少
壯幾時兮奈老何

昭帝黃鵠歌

黃鵠飛兮下建章羽肅肅兮行蹌蹌
金為衣兮菊為裳
唼喋荷荇出入蒹葭
自顧菲薄愧爾嘉祥

靈帝招商歌

涼風起兮日照渠青荷晝偃葉夜舒惟日不足樂有餘
清絲流管歌王鳧千年萬歲嘉難踰

落葉哀蟬曲

羅袂兮無聲玉墀兮塵生虛房冷而寂莫落葉依于重
扁望彼美之女兮安得感予心之未寧

淋池歌

秋素景兮泛洪波揮纖手兮折芰荷涼風淒淒揚棹歌
雲光開曙月低河萬歲為樂豈云多

李延年歌

北方有佳人絕世而獨立一顧傾人城再顧傾人國寧
不知傾城與傾國佳人難再得

楊惲拊缶歌

田彼南山蕪穢不治種一頃豆落而為箕人生行樂耳
須富貴何時

烏孫公主悲愁歌

吾家嫁我兮今天一方遠托異國兮烏孫王穹廬為室兮

金匱要略卷一
檀為牆以肉為食兮
酪為漿居常土思兮
心內傷願為黃鵠兮
歸故鄉

馬援武溪深行

滔滔武溪一何深
鳥飛不渡獸不敢
臨嗟哉武溪多毒
淫

梁鴻五噫歌

陟彼北邙兮噫瞻顧帝京兮
噫宮闕崔巍兮噫民之劬
勞兮噫遼遼未央兮噫

張衡定情歌

大火流兮草蟲鳴繁霜降兮草木零秋為期兮時已征
思美人兮愁屏營

四愁詩

一思曰我所思兮在泰山欲往從之梁父艱側身東望
涕霑翰美人贈我金錯刀何以報之英瓊瑤路遠莫致
倚逍遙何為懷憂心煩勞

二思曰我所思兮在桂林欲往從之湘水深側身南望

欽定四庫全書

石倉歷代詩選
卷一

三十一

涕霑襟美人贈我金琅玕何以報之雙玉盤路遠莫致
倚惆悵何為懷憂心煩傷

三思曰我所思今在漢陽欲往從之隴阪長側身西望
涕霑裳美人贈我貂襜褕何以報之明月珠路遠莫致
倚踟躕何為懷憂心煩紆

四思曰我所思今在雁門欲往從之雪雰雰側身北望
涕霑巾美人贈我錦繡段何以報之青玉案路遠莫致
倚增歎何為懷憂心煩惋

蘇伯玉妻盤中詩

山樹高鳥鳴悲泉水深鯉魚肥空倉鵲常苦飢吏人婦
會夫希出門望見白衣謂當是而更非還入門中心悲
北上堂西入階急機絞杼聲催長歎息當告誰君有行
妾念之出有日還無期結巾帶長相思君忘妾未知之
妾忘君罪當治黃者金白者玉高者山深者谷姓者蘇
字伯玉人才多智謀足家居長安身在蜀何惜馬蹄歸
不數羊肉千斤酒百斛令君馬肥麥與粟

悲歌

悲歌可以當泣遠望可以當歸思念故鄉鬱鬱累累欲
歸家無人欲渡河無船心思不能言腸中車輪轉

古五雜組詩

五雜組岡頭草往復還車馬道不獲已人將老

石倉歷代詩選卷一

欽定四庫全書

石倉歷代詩選卷二

明 曹學佺 編

古詩二

魏四言詩

魏武帝短歌行

對酒當歌人生幾何譬如朝露去日苦多慨當以慷憂
思難忘何以解憂惟有杜康青青子衿悠悠我心但為

君故沈吟至今呦呦鹿鳴食野之苹我有嘉賓鼓瑟吹笙明明如月何時可掇憂從中來不可斷絕越陌度阡枉用相存契濶談讌心念舊恩月明星稀烏鵲南飛繞樹三匝無枝可依山不厭高海不厭深周公吐哺天下歸心

步出東西門行

東臨碣石以觀滄海水河澹澹山島竦峙樹木叢生百草豐茂秋風蕭瑟洪波湧起日月之行若出其中星漢

燦爛若出其裏幸甚至哉歌以詠志

孟冬十月北風徘徊天氣肅清繁霜霏霏鷓鴣晨鳴鴻雁南飛鷺鳥潛藏熊羆窟栖錢鏹停置農收積場逆旅整設以通賈商幸甚至哉歌以詠志

鄉土不同河朔隆寒流澌浮漂舟船行難雖不入地蘆簾深與水竭不流冰堅可蹈士隱者貧勇俠輕非心常歎怨戚戚多悲幸甚至哉歌以詠志

神龜雖壽猶有竟時騰蛇乘霧終為土灰老驥伏櫪志

在千里烈士暮年壯心未已盈縮之期不但在天養怡之福可得永年幸甚至哉歌以詠志

文帝短歌行

仰瞻帷幕俯察几筵其物如故其人不存神虛倏忽棄我遐遷靡瞻靡恃泣涕連連呦呦遊廐銜草鳴麇翩翩飛鳥挾子巢栖我獨孤孑懷此百離憂心孔疚莫能我知人亦有言憂令人老嗟我白髮生一何早長吟永歎懷我聖老曰仁者壽胡不是保

善哉行

上山采薇薄暮苦飢谿谷多風霜露沾衣野雉羣雛猿
猴相追還望故鄉鬱何壘壘高山有崖林木有枝憂來
無方人莫之知人生如寄多憂何為今我不樂歲月如
馳湯湯川流中有行舟隨波轉薄有似客遊策我良馬
被我輕裘載馳載驅聊以忘憂

有美一人婉如清揚妍姿巧笑和媚心腸知音識曲善
為樂方哀絃微妙清氣含芳流鄭激楚度宮中商感心

欽定四庫全書

右倉歷代詩選
卷二

三

動耳綺麗難忘離鳥夕宿在彼中洲延頸鼓翼悲鳴相
求眷然顧之使我心愁嗟爾昔人何以忘憂

曹植閨情

有美一人被服纖羅妖姿艷麗
翁若春華紅顏韡雲
髻嵯峨彈琴撫節為我絃歌清濁齊均既亮且和取樂
今日遑恤其他

王粲贈蔡子篤詩

翼翼飛鸞載飛載東我友云徂言戾舊邦舫舟翩翩以

沂大江蔚矣荒塗時行靡通慨我懷慕君子所同
悠悠世路亂離多阻濟岱江行邈焉異處風流雲散一
別如雨人生實難願其弗與瞻望遐路允企伊佇
烈烈冬日肅肅淒風潛鱗在淵歸雁在軒苟非鴻鵬孰
能飛翻雖則追慕予思罔宣瞻望東路慘愴增歎

贈士孫文始

天降喪亂靡國不夷我暨我友自彼京師宗守盪失越
用遁違遷于荆楚在漳之湄亦克宴處和通簞壘比德

欽定四庫全書

石倉歷代詩選
卷二

車輔既度禮義卒獲笑語庶茲永日無讟厥緒惟彼南
汜君子居之悠悠我心薄言慕之人亦有言靡日不思
晨風夕逝託與之期悠悠澹澹鬱彼唐林雖則同域邈
其迥深白駒遠志古人所箴允矣君子不遐厥心

贈文叔良

翩翩者鴻率彼江濱君子于征爰聘西隣臨此洪渚伊
思梁岷爾行孔邈如何勿勤

君子敬始慎爾所主謀言必賢錯說申輔延陵有作僞

盼是與先民遺跡來世之矩

既慎爾主亦迺知幾探情以華覩著知微視明聽聰靡
事不惟董褐荷名胡寧不師

衆不可益無尚我言梧宮致辯齊楚構患成功有要在
衆思歡人之多忌掩之實難

瞻彼黑水滔滔其流江漢有卷允來厥休緬彼行人鮮
克弗留惟詩作贈敢詠在舟

稽康贈秀才入軍十三首

鴛鴦于飛肅肅其羽朝遊高原夕宿蘭渚邕邕和鳴顧
盼儔侶俛仰慷慨優游容與

鴛鴦于飛嘯侶命儔朝遊高原夕宿中洲交頸振翼容
與清流咀嚼蘭蕙俛仰優游

泳彼長川言息其滸陟彼高岡言刈其楚嗟我征邁獨
行踽踽仰彼凱風涕泣如雨

泳彼長川言息其汜陟彼高岡言刈其杞嗟我獨征靡
瞻靡恃仰彼凱風載坐載起

穆穆惠風扇彼輕塵奕奕素波轉此游鱗伊我之勞有
懷佳人寤言永思實鍾所親

所親安在舍我遠邁棄此蓀芷襲彼蕭艾雖曰幽深豈
無顛沛言念君子不遐有害

良馬既閑麗服有暉左攬繁弱右接忘歸風馳電逝躡
景追飛凌厲中原顧盼生姿

携我好仇載我輕車南凌長阜北厲清渠仰落驚鴻俯
引淵魚盤于游田其樂只且

凌高遠盼俯仰咨嗟怨彼幽紮邈爾路遐雖有好音誰
與清歌雖有姝顏誰與發華仰訊高雲俯托輕波乘流
遠遁抱恨山阿

輕車迅邁忽彼長林春木載榮布葉垂陰習習谷風吹
我素琴交交黃鳥顧儔弄音感悟馳情思我所欽心之
憂矣永嘯長吟

浩浩洪流帶我邦畿萋萋綠林奮榮揚暉魚龍澆灞山
鳥羣飛駕言出遊日夕忘歸思我良朋如渴如飢願言

不獲愴矣其悲

息徒蘭圃秣馬華山流磻平臯垂綸長川目送歸鴻手
揮五絃俯仰自得游心太玄嘉彼釣叟得魚忘筌郢人
逝矣誰與盡言

閒夜肅清朗月照軒微風動桂組帳高褰旨酒盈樽莫
與交歡鳴琴在御誰與鼓彈仰慕同趣其馨若蘭佳人
不在能不永歎

酒會三首

淡淡流水淪胥而逝汎汎栢舟載浮載滯微嘯清風鼓
楫容裔放掉投竿優游卒歲

婉彼鴛鴦戢翼而遊俯喙綠藻託身洪流朝翔素瀨夕
棲虛洲搖蕩清波與之沈浮

流詠蘭池和聲激朗操縵清商遊心大象傾昧修身惠
音遺響鍾期不存我志誰賞

魏五言古詩

內篇

武帝苦寒行

北上太行山艱哉何巍巍羊腸阪詰曲車輪為之摧樹
木何蕭瑟北風聲正悲熊羆對我蹲虎豹夾路啼谿谷
少人民雪落何霏霏延頸長歎息遠行多所懷我心何
怫鬱思欲一東歸水深橋梁絕中路正徘徊迷惑失故
路薄暮無宿棲行行日已遠人馬同時飢擔囊行取薪
斧冰持作糜悲彼東山詩悠悠使我哀

却東西門行

鴻雁出塞北乃在無人鄉舉翅萬里餘行止自成行冬

節食南稻春日復北翔田中有轉蓬隨風遠飄揚長與
故人絕萬歲不相當奈何此征夫安得去四方戎馬不
解鞍鎧甲不離傍冉冉老將至何時返故鄉神龍深藏
泉猛獸步高岡狐死歸首丘故鄉安可忘

魏文帝於譙作

清夜延貴客明燭發高光豐膳漫星陳旨酒盈玉觴絃
歌奏新曲游響拂丹梁餘音赴迅節慷慨時激揚獻酬
紛交錯雅舞何鏘鏘羅纓從風飛長劔自低昂穆穆衆

君子和合同樂康

芙蓉池作

乘輦夜行遊逍遙步西園雙渠相溉灌嘉木繞通川
卑枝拂羽蓋修條摩蒼天驚風扶輪轂飛鳥翔我前
丹霞夾明月華星出雲間上天垂光彩五色一何鮮
壽命非喬松誰能得神仙遨遊快心意保已終百年

於玄武陂作

兄弟共行遊驅車出西城野田廣開闢川渠互相經
叅

稷何鬱鬱流波激悲聲菱芡覆綠水芙蓉發丹榮柳垂
重陰綠向我池邊生乘渚望長洲羣鳥歡譁鳴萍藻汎
濫浮澹澹隨風傾忘憂共容與暢此千秋情

雜詩二首

漫漫秋夜長烈烈北風涼展轉不能寐披衣起彷徨
彷徨
惶忽已久白露沾我裳俯視清水波仰看明月光天漢
回西流三五正縱橫草蟲鳴何悲孤雁獨南翔鬱鬱多
悲思綿綿思故鄉願飛安得翼欲濟河無梁向風長歎

息斷絕我中腸

西北有浮雲亭亭如車蓋惜哉時不遇適與飄風會吹
我東南行行行至吳會吳會非我鄉安得久留滯棄置
勿復陳客子常畏人

明帝種瓜篇

種瓜東井上冉冉自踰垣與君為新婚瓜葛相結連寄
託不肖軀有如倚泰山兔絲無根株蔓延自登緣萍藻
託清流常恐身不全被蒙丘山惠賤妾執拳拳天日照

知之想君亦俱然

陳思王薤露行

天地無窮極陰陽轉相因人居一世間忽若風吹塵願
得展功勤輸力于明君懷此王佐才慷慨獨不羣鱗介
尊神龍走獸宗麒麟蟲獸猶知德何況于士人孔氏刪
詩書王業燦已分騁我徑寸翰流藻垂華芬

吁嗟篇

吁嗟此轉蓬居世何獨然長去本根逝宿夜無休閒東

西經七陌南北越九阡卒遇回風起吹我入雲間自謂
終天路忽然下沈泉宕宕當何依忽亡而復存飄飄周
八澤連翩歷五山流轉無恒處誰知我苦艱願為中林
草秋隨野火燔靡滅豈不痛願與根莖連

蒲生行浮萍篇

浮萍寄清水隨風東西流結髮辭嚴親來為君子仇恪
勤在朝夕無端獲罪尤在昔蒙恩惠和樂如瑟琴何意
今摧頽曠若商與參茱萸自有芳不若桂與蘭新人雖

可愛無若故所歡行雲有反期君恩儻中還儻儻仰天
歎愁心將何愬日月不恒處人生忽若寓悲風來入懷
淚下如垂露發篋造裳衣裁縫紉與素

筵篋引

置酒高殿上親友從我遊中厨辦豐膳烹羊宰肥牛秦
箏何慷慨齊瑟和且柔陽阿奏竒舞京洛出名謳樂飲
過三爵緩帶傾庶羞主稱千金壽賓奉萬年酬久要不
可忘薄終義所尤謙謙君子德磬折欲何求驚風飄白

日光景馳西流盛時不可再百年忽我適生存華屋處
零落歸山丘先民誰不死知命復何憂

門有萬里客

門有萬里客問君何鄉人褰裳起從之果得心所親挽
裳對我泣太息前自陳本是朔方士今為吳越民行行
將復行去去適西秦

怨詩行

明月照高樓流光正徘徊上有愁思婦悲歎有餘哀借

問歎者誰言是蕩子妻夫行踰十載賤妾常獨棲念君
過于渴思君劇于飢君若清路塵妾為濁水泥浮沈各
異路會合何時諧願為西南風長逝入君懷君懷常不
開賤妾當何依

美女篇

美女妖且閒採桑歧路間柔條紛冉冉落葉何翩翩攘
袖見素手皓腕約金鐶頭上金爵釵腰佩翠琅玕明珠
交玉體珊瑚間木難羅衣何飄飄輕裾隨風還顧眄遺

光采長嘯氣若蘭行徒用息駕休者以忘殮借問女安居乃在城南端青樓臨大路高門結重關容華耀朝日誰不希令顏媒氏何所營玉帛不時安佳人慕高義求賢良獨難衆人徒嗷嗷安知彼所觀盛年處房室中夜起長歎

贈徐幹

驚風飄白日忽然歸西山圓景光未滿衆星燦以繁志士營世業小人亦不閒聊且夜行遊遊彼雙闕間文昌

鬱雲興迎風高中天春鳩鳴飛棟流飈激櫺軒顧念蓬
室士貧賤誠足憐薇藿弗充虛袒褐猶不全慷慨有悲
心興文自成篇寶棄怨何人和氏有其愆彈冠俟知己
知己誰不然良田無晚歲膏澤多豐年亮懷璫璵美積
久德愈宣親交誼在敦申章復何言

贈丁儀

初秋涼氣發庭樹微銷落凝霜依玉除清風飄飛閣朝
雲不歸山霖雨成川澤黍稷委疇隴農夫安所獲在貴

多忘賤為恩誰能博孤白足禦冬焉念無衣客思慕延陵子寶劍非所惜子其寧爾心親交義不薄

贈王粲

端坐苦愁思攪衣起西游樹木發春華清池激長流中有孤鴛鴦哀鳴求匹儔我願執此鳥惜哉無輕舟欲歸忘故道顧望但懷愁悲風鳴我側義和逝不留重陰潤萬物何懼澤不周誰令君多念自使懷百憂

公宴詩

公子敬愛客終宴不知疲清夜遊西園飛蓋相追隨
明月澄清影列宿正參差秋蘭被長坂朱華冒綠池
潛魚躍清波好鳥鳴高枝神飈接丹轂輕輦隨風移
飄飄放志意千秋長若斯

贈白馬王彪序曰黃初四年正月白馬王任城
王與余俱朝京師會節氣到洛陽任城王薨
至七月與白馬王還國後有司以二王歸蕃
道路宜異宿止意每恨之蓋以大別在數日

是用自剖與王辭焉憤而成篇

謁帝承明廬逝將歸舊疆清晨發皇邑日夕過首陽伊
洛廣且深欲濟川無梁汎舟越洪濤怨彼東路長顧瞻
戀城闕引領情內傷

太谷何寥廓山樹鬱蒼蒼霖雨泥我塗流潦浩縱橫中
達絕無軌改轍登高岡修坂造雲日我馬玄以黃

玄黃猶能進我思鬱以紆鬱紆將何念親愛在離居本
圖相與偕中更不克俱鴟梟鳴衡軛豺狼當路衢蒼蠅

間白黑讒巧令親踈欲還絕無蹊攬轡止踟躕

踟躕亦何留相思無終極秋風發微涼寒蟬鳴我側原
野何蕭條白日忽西匿歸鳥赴喬林翩翩厲羽翼孤獸
走索羣銜草不遑食感物傷我懷撫心長太息

太息將何為天命與我違奈何念同生一往形不歸孤
魂翔故域靈柩寄京師存者忽復返亡沒身自哀人生
處一世去若朝露晞年在桑榆間影響不能追自顧非
金石吐咄令心悲

心悲動我神棄置莫復陳丈夫志四海萬里猶比隣思
愛苟不虧在遠分日親何必同衾幃然後展殷勤憂思
成疾疢無乃兒女仁倉卒骨肉情能不懷苦辛
苦辛何思慮天命信可疑虛無求列仙松子久吾欺變
故在斯須百年誰能持離別永無會執手將何時王其
愛玉體俱享黃髮期收淚卽長路援筆從此辭

雜詩

高臺多悲風朝日照北林之子在萬里江湖迥且深方

舟安可極離思故難任孤雁飛南游過庭長哀吟翹思
慕遠人願欲托遺音形影忽不見翩翩傷我心

轉蓬離本根飄飄隨長風何意迴飈舉吹我入雲中高
上無極天路安可窮類此游客子捐軀遠從戎毛褐
不掩形薇藿常不充去去莫復道沈憂令人老

南國有佳人容華若桃李朝遊江北岼夕宿瀟湘沚時
俗薄朱顏誰為發皓齒俛仰歲將暮榮耀難久恃

飛觀百餘尺臨牖御櫺軒遠望周千里朝夕見平原烈

士多悲心小人媮自閒國讐亮不塞甘心思喪元拊劒
西南望思欲赴太山絃急悲聲發聆我慷慨言

攬衣出中閨逍遙步兩楹閒房何寂莫綠草被階庭空
室自生風百鳥翩南征春思安可忘憂戚與我并佳人
在遠道妾身單且筑歡會難再遇芝蘭不重榮人皆棄
舊愛君豈若平生寄松為女蘿依水如浮萍齋身奉衿
帶朝夕不墮傾儻終顧盼恩永懷我中情

王祭公讌詩

昊天降豐澤百卉挺歲蕤涼風撤蒸暑清雲却炎暉高
會君子堂並立蔭華棖嘉肴充圓方旨酒盈金罍管絃
發徽音曲度清且悲合坐同所樂但慙杯行遲常聞詩
人語不醉且無歸今日不極歡含情欲待誰

咏史詩

自古無殉死達人所共知秦穆殺三良惜哉空爾為結
髮事明君受恩良不訾臨歿要之死焉得不相隨妻子
當門泣兄弟哭路陲臨穴呼蒼天涕下如綆靡人生各

有志終不為此移同知埋身劇心亦有所施生為百夫
雄死為壯士規黃鳥作哀詩至今聲不虧

雜詩

日暮遊西園冀寫憂思情曲池揚素波列樹敷丹榮上
有特栖鳥懷春向我鳴褰袵欲從之路險不得征徘徊
不能去佇立望爾形風飈揚塵起白日忽已冥回身入
空房託夢通精誠人欲天不違何懼不合并

七哀詩

西京亂無象豺虎方遘患復棄中國去委身適荆蠻親
戚對我悲朋友相追攀出門無所見白骨蔽平原路有
飢婦人抱子棄草間顧聞號泣聲揮涕獨不還未知身
死處何能兩相完驅馬棄之去不忍聽此言南登灞陵
岼回首望長安悟彼泉下人喟然傷心肝

荆蠻非我鄉何為久滯淫方舟泝大江日暮愁我心山
岡有餘映巖阿增重陰狐狸馳赴穴飛鳥翔故林流波
激清響猿猴臨岼吟迅風拂裳袂白露沾衣襟獨夜不

能寐攝衣起撫琴絲桐感人情為我發悲音羈旅無終
極憂思壯難任邊城使心悲昔吾親更之冰雪截肌膚
風飄無止期百里不見人草木誰當遲登城望亭隧翩
翩飛戍旗行者不顧返出門與家辭子弟多俘虜哭泣
無已時天下盡樂土何為久留茲蓼蟲不知辛去來勿
與諮

陳琳游覽詩

高會時不娛羈客難為心殷懷從中發悲感激清音投

觴罷歡坐逍遙步長林肅肅山谷風默默天路陰惆悵
忘旋反歔歔涕沾襟

節運時氣舒秋風涼且清閒居心不娛駕言從友生翱
翔戲長流逍遙登高城東望看疇野迴顧覽園庭嘉木
凋綠葉芳草纖紅榮騁哉日月逝年命將西傾建功不
及時鐘鼎何時銘收念還房寢慷慨詠墳經庶幾及君
在立德垂功名

徐幹情詩

高殿鬱崇崇，廣厦淒泠泠。微風起闔闔，落日照階庭。跼蹐雲屋下，笑歌倚華楹。君行殊不返，我飾為誰榮。鑪熏闔不用，鏡匣上塵生。綺羅失常色，金翠暗無精。嘉肴既忘御，旨酒亦常停。顧瞻空寂寂，惟聞燕雀聲。憂思連相屬，中心如宿醒。

劉楨公讌詩

永日行遊戲，歡樂猶未央。遺思在玄夜，相與復翱翔。輦車飛素蓋，從者盈路傍。月出照園中，珍木鬱蒼蒼。清川

過石渠流波為魚防芙蓉散其華菡萏溢金塘靈鳥宿
水喬仁獸遊飛梁華館寄流波豁達來風涼生平未始
聞歌之安能詳投翰長歎息綺麗不可忘

贈徐幹

誰謂相去遠隔此西掖垣拘限清切禁中情無由宣思
子沈心曲長歎不能言起坐失次第一日三四遷步出
北寺門遙望西苑園細柳夾道生方塘含清源輕葉隨
風轉飛鳥何翻翻乖人易感動涕下與衿連仰視白日

光燄燄高且懸
兼燭八紘內
物類無頗偏
我獨抱深感
不得與比焉

雜詩

職事相填委
文墨紛消散
馳翰未暇食
日昃不知宴
沈迷簿領書
回回見昏亂
釋此出西城
登高且遊觀
方塘含白水
中有鳬與雁
安得肅肅羽
從爾遊波瀾

應場侍五官中郎將建章臺集詩

朝雁鳴雲中
音響一何哀
問子遊何鄉
戢翼正徘徊
言

我塞門來將就衡陽棲往春翔北土今冬客南淮遠行
蒙霜雪毛羽日摧頽常恐傷肌骨身隕沈黃泥簡珠墮
沙石何能中自諧欲因雲雨會濯翼陵高梯良遇不可
值伸眉路何階公子敬愛客樂飲不知疲和顏既已暢
乃肯顧細微贈詩見存慰小子非所宜且為極歡情不
醉其無歸凡百敬爾位以副飢渴懷

雜詩

臨川多悲風秋日苦清涼客子易為戚感此用哀傷攬

衣起躑躅上觀心與房三星守故次明月未收光雞鳴
當何時朝晨尚未央還坐長歎息離憂未可忘

繁欽蕙詠

蕙草生山北託命失所依值根陰厓側夙夜懼危顛寒
泉浸我根淒風常徘徊三光照八極獨不蒙餘暉葩葉
永凋悴凝露不暇晞百草皆含榮已獨失時姿比我英
芳發鶻鴂鳴已哀

嵇康遊仙詩

遙望山上松隆谷鬱青葱自遇一何高獨立迴無雙願
想遊其下蹊路絕不通王喬棄我去乘雲駕六龍飄飄
戲玄圃黃老路相逢授我自然道曠若發童蒙采藥鍾
山隅服食改姿容蟬蛻棄穢累結友家板桐臨觴奏九
韶雅歌何邕邕長與俗人別誰能覩其蹤

述志詩

潛龍育神軀濯鱗戲蘭池延頸慕大庭寢足俟皇羲慶
雲未垂景盤桓朝陽陂悠悠非吾匹疇肯應俗宜殊類

難徧周鄙議紛流離軼軻丁悔吝雅志不得施耕耨感
甯越馬席激張儀逝將離羣侶杖策追洪厓

斥鷃擅蒿林仰笑神鳳飛坎井蝸蛭宅神龜安所歸恨
自用身拙任意多永思何為人間事自令心不爽慷慨
思古人夢想見容輝願與知己遇舒憤啓其微岩穴多
隱逸輕舉求吾師晨登箕山巔日夕不知飢玄居養營
魄千載長自綏

阮籍詠懷

夜中不能寐起坐彈鳴琴薄帷鑒明月清風吹我襟孤鴻號外野翔鳥鳴北林徘徊將何見憂思獨傷心

二妃遊江濱逍遙順風翔交甫懷環珮婉孌有芬芳倚靡情歡愛千載不相忘傾城迷下蔡容好結中腸感激生憂思萱草樹蘭房膏沐為誰施其雨怨朝陽如何金石交一旦更離傷

嘉樹下成蹊東園桃與李秋風吹飛藿零落從此始繁華有憔悴堂上生荆杞驅馬舍之去去上西山趾一身

不自保何況戀妻子凝霜被野草歲暮亦云已

天馬出西北由來從東道春秋非有託富貴焉常保清
露被臯蘭凝霜沾野草朝為媚少年夕暮成醜老自非
王子晉誰能常美好

平生少年時輕薄好絃歌西遊咸陽中趙李相經過娛
樂未終極白日忽蹉跎驅馬復來歸反顧望三河黃金
百鎰盡資用良苦多北臨太行道失路將如何

灼灼西隤日餘光照我衣迴風吹四壁寒鳥相因依周

周尚銜羽蛩蛩亦念飢如何當路子磬折忘所歸豈為
夸虛名憔悴使心悲寧與燕雀翔不隨黃鵠飛黃鵠遊
四海中路將安歸

湛湛長江水上有楓樹林皐蘭被徑路青驪逝駸駸遠
望令人悲春氣感我心三楚多秀士朝雲進荒淫朱華
振芬芳高蔡相追尋一為黃雀哀淚下誰能禁

昔年十四五志尚好書詩被褐懷珠玉顏閔相與期開
軒臨四野登高望所思丘墓蔽山岡萬代同一時千秋

萬歲後榮名安所之乃悟羨門子噉噉今自嗤

徘徊蓬池上還顧望大梁綠水揚洪波曠野莽茫茫走
獸交橫馳飛鳥相隨翔是時鶉火中日月正相望朔風
厲嚴寒陰氣下微霜羈旅無儔匹俛仰懷哀傷小人計
其功君子蹈其常豈惜終憔悴詠言著斯章

駕言發魏都南向望吹臺簫管有遺音梁王安在哉戰
士食糟糠賢者處蒿萊歌舞曲未終秦兵已復來夾林
非吾有朱宮生塵埃軍敗華陽下身竟為土灰

塞門不可出海水焉可浮朱明不相見奄昧獨無侯持
爪思東陵黃雀誠獨羞失勢在須臾帶劒上吾丘悼彼
桑林子涕下自交流假乘沂渭間鞍馬去行遊

林中有奇鳥自言是鳳皇清朝飲醴泉日夕栖山岡高
鳴徹九州延頸望八荒適逢商風起羽翼自摧藏一去
崑崙西何時復迴翔但恨處非位愴恨使心傷

出門望佳人佳人豈在茲三山招松喬萬世誰與期存
亡有長短慷慨將焉知忽忽朝日隕行行將何之不見

季秋草摧折在今時

魏五言古詩

外篇

甄皇后塘上行

蒲生我池中其葉何離離
傍能行仁義莫若妾自知
衆口鑠黃金使君生別離
念君去我時獨愁常苦悲
想見君顏色感結傷心脾
念君常苦悲夜夜不能寐
莫以豪賢故棄捐素所愛
莫以魚肉賤棄捐葱與薤
莫以麻枲賤棄捐菅與蒹
出亦復苦愁入亦復苦愁
邊地多悲風

樹木何脩脩從軍致獨樂延年壽千秋

曹植野田黃雀行

高樹多悲風海水揚其波利劍不在掌結友何須多不見籬間雀見鷄自投羅羅家得雀喜少年見雀悲拔劍捐羅網黃雀得飛飛飛摩蒼天來下謝少年

繁欽定情詩

我出東門遊邂逅承清塵思君即幽房侍寢執衣巾時無桑中契迫此路側人我既媚君姿君亦悅我顏何以

致拳拳綰臂雙金環何以致殷勤約指一雙銀何以致
區區耳中雙明珠何以致叩叩香囊繫肘後何以致契
濶繞腕雙跳脫何以結恩情美玉綴羅英何以結中心
素縷連雙鍼何以結相私金箔畫搔頭何以慰別離耳
後玳瑁釵何以荅歡悅紈素三條裾何以結愁悲白絹
雙中衣與我期何所乃在東山隅日旰兮不來谷風兮
吹襦遠望無所見涕泣起踟躕與我期何所乃期山南
陽日中兮不來飄風吹我裳道遙莫誰覩望君愁我腸

與我期何所乃在西山側日夕兮不來躑躅長太息遠
望涼風至俯仰正衣服與我期何所乃期北山岑日暮
兮不來淒風吹我襟望君不能坐悲苦愁我心愛身何
所為惜我華色時中情既欸欸然後尅密期褰衣躡茂
草謂君不我欺廁此醜陋質徙倚無所之自傷失所欲
淚下如連絲

魏七言歌行

魏文帝燕歌行

秋風蕭瑟天氣涼草木搖落露為霜羣燕辭歸雁南翔
念君客遊思斷腸慊慊思歸戀故鄉君何淹留寄他方
賤妾玆守空房憂來思君不敢忘不覺淚下沾衣裳
援琴鳴絃發清商短歌微吟不能長明月皎皎照我牀
星漢西流夜未央牽牛織女遙相望爾獨何辜限河梁
別日何易會日難山川悠遠路漫漫鬱陶思君未敢言
寄書浮雲往不還涕零雨面毀形顏誰能懷憂獨不歎
展詩清歌聊自寬樂往哀來摧心肝耿耿伏枕不能寐

披衣出戶步東西悲風清厲秋氣寒羅幃徐動經秦軒
仰戴星月觀雲間飛鳥晨鳴聲可憐留連顧懷不自存


明帝燕歌行

白日晼晼忽西傾霜露慘慘塗階庭秋草捲葉摧枝莖
翩翩飛蓬常獨征有似遊子不安寧

陳琳飲馬長城窟行

飲馬長城窟水寒傷馬骨往謂長安吏勿稽太原卒官
作自有程舉築諧汝聲男兒寧當格鬪死何能怫鬱築

長城長城何連連連連三千里邊城多健少內舍多寡
婦生男慎莫舉生女粥用哺君獨不見長城下死人骸
骨相撐拄



石倉歷代詩選卷二